

حقوقی بیکسیر مجموعہ سی

آیدہ بر نشر اولتور

توفیق ایدلش اولیور (توفیق) کلهسی لفة طوغری یوله دلالت ایتمک معنایه کلهسی
تأمل ایدیلنجه ۸۹ نجی مادهنک شهادت مسائله تمامی دلالة اولوب اقتباساً اولمیدنی آکلا-
شیدور. حالبوکه مجله لغو ایدیلنجه دلالتک موقعی، معنای قالمیور. اکر ۸۹ نجی ماده
[. خصوصری عیناً تطبیق اولنور] مثلاً بر عباره ایله کتاب الیناتی کندیسه
مال ایتش اولسه ایدی کتاب الیناتده کی احکام آیریجه اصول محاکمه یه نقل ایدلش دیمک
اوله جفندن اول زمان مجلهنک لغویله ملغا اولان کتاب الینات حرفیاً اصول محاکمه کی
کندی مادهلری شکنده باقی قاله جق ایدی نته کیم اصول حقوقیهنک اقراره عائد ۷۰ نجی
وتحلیفه متعلق ۹۶ نجی مادهلرنده دخی (. توفیق اولنور) عباره سی استعمال ایدلش
اولدیغندن محک اقرار وتحلیفه متدائر مادهلرینک اصول محاکمه کی موادی آراسنده بر
موقعی اولماسی لازم کله؛ فقط اصول محاکمه نک ۱۱۵ نجی ماده سی مجلهنک ۱۶۳۷ نجی
ماده سنده محرر اولدنی وجهله حین محاکمه ده بولغدری مشروط اولان اشخاصک ،
مدعی علیهک رجوعه صلاحیتی اثبات ایده کی شخص ثالثر کی محکمه یه جلب واحضاری
آمر بولمیش یعنی مجلهنک او ماده سی کندی ماده سی میانیه ادخال ایتش اولدیغندن اشیو
۱۶۳۷ نجی ماده الیوم مجلهنک ماده سی دکل، آنجق اصول محاکمه نک بر ماده سی دیمکدر ،
والحاصل ۸۹ نجی مادهنک صراحتیه بناء کتاب الیناتیه روح ویرمک امکانی یوقدر.

آوقات

استانبول : ۶ شباط ۹۲۷

مصطفیٰ طظم



بارو مجموعه سنک ابکنجی نومرو سنده دخی محترم آرقداش مزعمشان نوری بک مطالعاتی شومورته
تقدیر ایتکده در :

قیمتلی حقوق شناس و مسلکداش لمزدن مدرس مصطفی رشید بکله غاد فرانکو افندی
اصول محاکمات حقوقیه قانوننک ۸۹ نجی ماده سنک مجلهنک کتاب بیاناتی تأیید ایتش
و بو مادهنک ایسه صریح اوله رق لغا ایدلمیش و بینات حقنده یکی قانون مدنی زده
احکام مفصله بولونماش اولمیدن ناشی شهادتک ارکان و شرائطه متعلق مجله احکامنک

مرعی اولدیغنه قانعدرلر (حقوقی بیلکیلر مجموعه سی ، نومرو : ۱ صحیفه ۲۹ ، نومرو : ۲ ، صحیفه ۶۱) بو سبیلر درمیان ایدیلن نقطه نظره اشتراکی تأمین ایدمهز . زیرا بر قانون ، صراحةً و یا ضمناً الفا ایتیش اولدینی احکام مقامنه قائم اوله جق یکی حکملر وضع ایتمهش بیله اولسه احکام سابقه نك باقی و مرعی عد اولنسی لازم کلز . ذاتاً بر قانون یا مؤخر دیگر بر قانونک اولکی قانونه مخالف اولان احکامیه الفا ایدیلرکه بوکا صراحةً الفا Abrogation expresse دیرلر . یاخود بر قانون ، احکامنک مؤخر دیگر بر قانون احکامیه قابل تألیف اولماسندن ناشی ملغا عد اولنورکه بوکاده ضمناً الفا Abrogation tacite دیرلر . ضمناً الفا حقوق اساسیه اعتباریه صراحةً الفا ماهیتده اولدیغندن بو کون بزده اولدیغی کبی فرانسه ده دخی قانونلرک نهایته درجی معتاد اولان (شمدی یه قدر مرعی اولان قوانین و نظامات و اوامرک بو قانونه مخالف بولنان احکامی ملغادر) عبارته سی بیله لزومسز عد اولنغده در . زیرا الفا ایدلکلری نهائی بر ماده مخصوصه ده صراحةً بیان ایدیلن قوانین و نظامات و اوامر احکامی ذاتاً یکی قانون ایله ضمناً الفا ایدلمشدر . مع مافیه ضمناً الفا اصولی ، مقدم بولنان قانونی ، هیئت عمومیه سیله اورتادن قالدیرمایه رق مقدم قانون احکامندن ابقالری ، یکی قانونک تطبیغه مانع اولانلری بر طرف ایدر . فقط بر قانونک ضمناً الفا ایتیش اولدیغی قاعده ، بر قاعده اصلیه ایسه بونک الفاسی اوکا مربوط بولنان احکام سائرهنک ده الفاسی موجب اولور . [۱]

خلاصه ، یکی قانون مدنیز قبول ایدلکدن صکره ، اسکی قانون مدنی تماماً ملغا اولدیغی کبی قانون مدنی یه صراحةً و یا ضمناً مغایر بولنان سائر قانونلرمز ، و یا بو قانونلرک شهادتده عدد و یا جنسیت اعتباریه نصاب آراشمی ، « شهادت ایدهرم » کله لرینک هر حالده سویلنمه سی ، یالکیز قادینلرک ، مسکرات استعمال ایدنلرک ، تنفی و رقص ایله یینلرک معتبر اولماسی و سائر کبی انقلابک و یکی قانون مدنینک اعلان ایتدیکی عمده لره مخالف بولنان بعض احکامی ملغادر . بو الفا پک ضروری و طبعی ایکن واضع قانون ده ایلری یه کیده رک قانون مدنینک صورت مرعیته دائر اولان قانونده الفا کیفیتی صراحةً دخی بیان ایتمشدر . (ماده ۴۳)

[۱] بوفکرلری مدرس « پلانیول » ک مشهور حقوق مدنیه شرحندن اقتباس ایتدم . جلد ۱